

ԿԱՆՈՆԱԳԻՐ
ՀԱՄԱ-ԽԱՐԲԵՐԴՑԻԱԿԱՆ
ՄԻՈՒԹԵԱՆ

ՎԱԽԵՐԱՑՈՒԱԾ
ԱՌԱՋԻՆ ՊԱՏԳԱՄԱԻՈՐԱԿԱՆ
ԺՈՂՈՎԻ ԿՈՂՄԷՆ



ՄԱՐՏ 4, 1928, ՊՈՍՏՈՆ

9722 NOV 2013

ԿԱՆՈՆԱԳԻՐ
ՀԱՄԱ-ԽԱՐԲԵՐԴՑԻԱԿԱՆ
ՄԻՈՒԹԵԱՆ

ՅՕԴ. Ա. ԱՆՈՒՆ

Միութեան անունն է ՀԱՄԱ-ԽԱՐԲԵՐԴ-
ՑԻԱԿԱՆ ՄԻՈՒԹԻՒՆ:

ՅՕԴ. Բ. ՆՊԱՏԱԿ

Միութեան նպատակն է Հայաստանի մէջ
ՆՈՐ ԽԱՐԲԵՐԴ մը հիմնել:

1. Տուներ շինելով յարմար հողի մը վրայ,
եւ հոն տեղաւորել մասնաւորապէս Խարբերդ
Գաւառի Հայեր:

2. Ճարտարարուեստներու հաստատումով
անոնց դործ տեղծել:

ՅՕԴ. Գ. ԱՆԴԱՄԱԿՅՈՒԹԻՒՆ

Միութեան կրնան անդամակցել Խարբերդ
Գաւառի Հայեր՝ վճարելով 1 տոլար մուտք եւ
էրկու տոլար տարեվճար:

**ՅՕԴ. Դ. ՄԱՍՆԱՃԻՒԴՆԵՐ ԵՒ ԱՆՈՆՅ
ՊԱՐՏԱԿԱՆՈՒԹԻՒՆՆԵՐԸ**

Մասնաճիւղեր կրնան կազմուիլ Հայ դա-
ղութներու մէջ՝ պայմանաւ որ անդամներու
թիւը առնուազն 5 ըլլայ:

1. Մասնաճիւղերու վարչութիւններ կ'ընա-
րուին անդամական ժողովի մը մէջ, ներկանե-
րու մեծամասնութեամբ:

Նուազագոյն թիւը վարչական մարմնոյն է
3, առաւելագոյնը՝ 7: Ընկերութեանս սո-
վորական պաշտօնեաները, այն է, Ատենա-
պետ, Ատենադպիր եւ Գանձապահ, կը կառա-
րեն մասնաճիւղերու գործերը:

2. Պաշտօնէութեան շրջանն է տարի մը,
եւ սակայն վերընտրելի են:

3. Վարչութիւններ իրաւասու են Յանձ-
նախումբեր կազմել եւ անոնց բացառիկ դոր-
ծեր յանձնել՝ պայմանաւ որ անոնք պատաս-
խանատու ըլլան վարչութեան:

ՅՕԴ. Ե. ԿԵԴՐՈՆԱԿԱՆ ԳՈՐԾԱԴԻՐ ՄԱՐՄԻՆ

1. Կեդրոնական Գործադիր Մարմինը կը
բաղկանայ 9 անձերէ, որոնք կ'ընտրուին Պատ-
գամաւորական Ժողովէն:

2. Այս մարմինն է որ կը գործադրէ Միու-
թեան զծած օրէնքները, ինք ինք մէջէն կ'ընտրէ



1-195291

պաշտօնեաներ. Ատենապետ, Փոխ-Ատենա-
պետ, Ատենադպիր, Փոխ-Ատենադպիր, Գան-
ձապահ, Հաշուակալ, մնացեալները իբրեւ
Խորհրդականներ, որոնք ամէնը անհատաբար
եւ հաւաքաբար պատասխանատու են Պատգա-
մաւորական Ժողովին:

3. Կեդրոնական Գործադիր Մարմինը իրա-
ւունք ունի ի հարկին օգնական պաշտօնեաներ
եւ գործիչներ վարձել:

4. Դրամական գործառնութեանց պատաս-
խանատու է Կեդրոնական Գործադիր Մարմի-
նը ամբողջութեամբ, սակայն դրամական խըն-
դիրներու վերաբերեալ դրութիւնները պէտք է
կրեն միայն Ատենապետին, Ատենադպիրն եւ
Գանձապահին ստորագրութիւնները, երբ այդ
դրութիւնները վաւերացուած են Կեդրոնական
Գործադիր Մարմինի կողմէն:

5. Կեդրոնական Գործադիր Մարմինի շըր-
ջանը մէկ տարի է:

**ՅՕԴ. 2. ՊԱՇՏՈՆԵԱՆԵՐՈՒ
ՊԱՐՏԱԿԱՆՈՒԹԻՒՆՆԵՐԸ**

1. Ատենապետի պարտականութիւնն է հըս-
կել ժողովներու կանոնաւորութեան, որոշում-
ներու անթերի գործադրման, Ատենադպրի
հետ ստորագրելով բոլոր պաշտօնական թըղ-

Թաղացութիւնները: Անոր բացակայութեան Փոխ-Ատենապետը պարտաւոր է ժողովները վարել, եւ Ատենապետի պարտականութիւնները կատարել:

2. Ատենադպրի պարտականութիւնն է ժողովներու հարազատ արձանագրութիւնները պահել, թղթակցութեանց եւ պրօպագանտի գործերը օրը օրին կատարել, եւ բոլոր պաշտօնական գրութեանց ներքեւ ստորագրել Ատենապետի հետ: Անոր բացակայութեան Փոխ-Ատենադպրը պարտաւոր է ընել:

3. Գանձապահին պարտականութիւնն է ստացած դրամները դրամատուն դնել օրը օրին, եւ անոնց մաքուր հաշիւը պահել, եւ ամէն մէկ ժողովի հաշուեցոյց մը ներկայացնել:

Գանձապահը 2000 տոլարի երաշխաւորութեան տակ ըլլալու է իր պաշտօնէութեան ամբողջ շրջանին:

4. Հաշուակալին պարտականութիւնն է հաշիւներու կանոնաւորութեան հսկել: Եւ եւ մուտքի հաշիւէն ինք ալ օրինակ մը ունենալու է ուրույն տոմարի մը մէջ:

307. Է. ՊԱՏԳԱՄԱՒՈՐԱԿԱՆ ԺՈՂՈՎ

Պատգամաւորական Ժողովը կը գումարուի տարին անգամ մը:

Մասնաճիւղեր իրենց պատգամաւորները կ'ընտրեն նախապէս ծանուցուած անդամական ժողովի մը մէջէն:

Մինչեւ 50 անդամ ունեցող մասնաճիւղ մը կ'ընտրէ Մէկ պատգամաւոր, 50է մինչեւ 100 անդամ ունեցող մասնաճիւղ մը կ'ընտրէ երկու, իսկ 100-էն աւելի անդամ ունեցող մասնաճիւղ մը երեք:

Պատգամաւորական Ժողովի իրաւասութիւններն են.

1. Միութեան նպատակի յառաջման եւ գործելակերպի համար տնօրինութիւններ ընել:

2. Գծել օրէնքներ եւ կանոններ, առանց հակասելու Միութեան նպատակին:

3. Հսկել Միութեան վանձի պահպանման եւ անոր գործածութեան:

4. Ընտրել Կեդրոնական Գործադիր Մարմին մը բաղկացեալ 9 անձերէ, որը իր նիւթական եւ բարոյական համարատուութիւնը ընել պարտաւոր է Պատգամաւորական Ժողովի:

307. Ը. ՅԱՆՁՆԱԽՈՒՄԻՆԸ

Կեդրոնական Գործադիր Մարմինը իրաւասու է որեւէ առեւ յանձնախումբեր կազմել Մի-

ութեան գործին մղում տալու համար: Օրինակի համար:—

1. Տնտեսական Յանձնախումբ, որուն պաշտօնն է միջոցներ խորհիլ եւ գործադրել հասոյթներ ապահովելու համար՝ Կեդրոնական Գործադիր Մարմինի հետ խորհրդակցելով:

2. Պրօպականտի Յանձնախումբ, որուն պաշտօնն է Միութեան գործերը հրատարակել, յարմար եւ զօրաւոր միջոցներով:

ՅՕԴ. Թ. ՀԱՍՈՅԹ

Միութեան նպատակը իրականացնելու համար մեծ հասոյթ մը ապահովելու միջոցներ կը նկատուին:

1. Մասնաճիւղերու մուտքերը եւ անդամական տուրքերը:

2. Ընդհանուր հանգանակութիւն լայն շրջանակներու մէջ:

3. Հանդէսներ, երեկոյթներ, եւայլն:

4. Բացառիկ նուէրներ:

5. Ընկերութիւններէ նուէրներ:

ՅՕԴ. Ժ. ԴՐԱՄԻ ԳՈՐԾԱԾՈՒԹԻՒՆ

Հայրենակցական Ընկերութիւններէ ստացուած գումարները անձեռնմխելի են եւ պիտի

գործածուին Հայաստանի մէջ ՆՈՐ ԽԱՐԲԵՐՊԷ չինելու համար միայն: Իսկ Միութեան տեղական ծախքերը պիտի հոգացուին Միութեան ջանքերովը գոյացած ուրիշ գումարներէ:

ՅՕԴ. ԺԱ. ԼՈՒԾՈՒՄ

Որքան ատեն երեք մասնաճիւղեր գոյութիւն ունենան, Միութիւնը իր գործը կը շարունակէ, հակառակ պարագային Միութիւնը կը լուծուի եւ գտնուած բոլոր գոյքերն ու գրամները կը յանձնուին Հայաստանի օրուան Կառավարութեան գործածուելու Միութեան նպատակին համար:

ՅՕԴ. ԺԲ. ԲԱՐԵՓՈՒՈՒՄ

Միութեան Կանոնադիրը կրնայ փոխուիլ բացի անունէն եւ նպատակէն՝ Պատգամաւորական Ժողովի մը մէջ երկու-երրորդին քուէով: Որեւէ բարեփոխումի պարագային ծանուցումներ զրկուելու են մասնաճիւղերու, Ժողովէն առ նուազն 2 ամիս առաջ:

ԽԱՐԲԵՐԳԻ ԴԱՇՏ ԸՍԵԼՈՎ ԿԸ ՀԱՍԿՑՈՒԻ

Բաղմաշէն, Գալլու, Գեղվանք, Գոմք, Դառէմ,
Կղեղի, Զառթարիչ, Էրթմնէկ, Իջմէ, Խոխ,
Խոյլու, Խուլաղելդ, Հապուսի, Հիւէյնիկ,
Հողէ, Մէղերէ, Մուռի, Մօրէնիկ, Շնդէլ,
Սարբցիկ, Սօրսրէ, Վարդաղէլ, Փէրչէնճ,
Կաղաք, Քէսիրիկ ևւ ուրիշ մեծ կամ փոքր
գիւղեր, Խարբերդի դաշտին մէջ:



ՀՀ Ազգային գրադարան



NL0755417

1

1952